

**UPERNAVIMMI NAJUKKAMI ATAATSIMIITITALIAP
ILEQQUUSUMIK ATAATSIMIINNERA
PINGASUNNGORNEQ ULLOQ 10. DECEMBER 2025 NAL. 13.00**

Peqataasut: Lars Petersen, Siulittaasoq
Pele Kleemann, Siulittaasup tullia
Hartmann Heilmann, ilaasortaq
Julie Karlsen, ilaasortaq
Ane Marie Havmøller-Jørgensen, ilaasortaq

Peqataanngitsut:

Pisortaq/imaqarniliortoq: Borgerforvaltningsleder Ane Marie Jørgensen
Ataatsimiiffik: Ataatsimiittarfik

Immikkut peqataasut:

Nutserisut:
Ingerlannera: Ammasoq

NA	QULEQUTAQ	BILAG
	Ilisimatitsissutit	1-2-3-5
UPVNA 024	Ukioq 2026 ataatsimiiffissat siunnersuusiorfissallu ullulersornissaat	4

Aaliangiineq:

Akuerineqarput.

Ilisimatitsissutit:

Bilag 1 – Killiffik 2025

Bilag 2 – Ukioq 2025-imut aningaasat agguataarneri

Bilag 3 – Aningaasat agguataarneranut kingunerisinnaasat

Najukkami Ataatsimiititaliaq ukioq 2026-imi Kulturnat ingerlanneqarnissaanut peqataasinnaanertik eqqarsaatersuutigissavaat, nittartakkami kulturnat.gl -imi suli qaqugu Kulturnat ingerlanneqassanersoq allassimangilaq taamaallaalli ulloq 15. Januar 2026 nalunaarfissaasoq maannamut allaqqalluni. Najukkami Ataatsimiititaliaq tulliani ataatsimiinnissamut Kulturnatsimut peqataassagunik qanoq ima qarumaarnersoq isumaliutigereersinnaavaat.

Najukkami Ataatsimiititaliamit Upernavimmi innuttaasunut “*Juullerpalaartitsineq*” aningaasalernissaanut akuersissutiginikuusaat Peqqinneq Sunngiffimmit aaqqissuunneqarpoq ulloq 13. December 2025 haalimi pisussanngorlugu. Qiortagassat sutungassanillu aningaasaliissutit kr. 5.000,00 atussavaat.

Najukkami Ataatsimiititaliamit aningaasalerneqartartoq “*26. December orpiliaqatigiinneq*”, kajumissutsimik suliallit allakkatigut saaffigineqarput ulloq nallilerpat pisiniutissaq pillugu kr. 15.000,00 Najukkami Ataatsimiititaliami allatsimut saaffiginissasut.

Najukkami Ataatsimiititaliamut aningaasaliissutit ukioq 2026-imoortut suli systemimi saqqumminngillat, taamaattumik ileqquusumik ataatsimiinneq tullermi aningaasaliissutit aatsaat saqqummiunneqarumaartut ilanngullugu ilisimatitsissutigineqarpoq. Tassungali tunngatillugu Kommunalbestyrelse ulloq 21. November 2025 ataatsimiinnerani aaliangerneqarpoq inoqarfiit 1.000-it ataallugit inuttussusillit innuttaasumut ataatsimut aningaasaliissut kr. 500,00-imit kr. 1.000,00-imut qaffanneqassasoq. Taamaattumillu Upernavimmi innuttaasut 1.000-it sinneqarmata innuttaasumut ataatsimut aningaasaliissut nikinngilaq, tassa kr. 500,00.

Bilag 5 – KOMBE aningaasaliinera inuttussuseq

Aaliangiineq:

Tusaatissatut tiguneqarput.

Sag nr.	Sammissaq	Bilag nr.	4
UPVNA 024	Ukioq 2026 ataatsimiiffissat siunnersuusiorfissallu ullulersornissaat	Journal nr.	01.03.49

Uteqqineq:

Najukkami Ataatsimiititaliaq ileqqoreqqusaq malillugu ukioq 2026-imi ataatsimiiffissaq ullulersussavaat, qaammatip qanoq ilinerani, qassinngornikkut qassinullu pisassanersoq inississallugu. Ataatsimiiffissat ullulersorneqareerneranni siunnersuusiorsinnaanerit sapaatip akunneranik sioqqutsillugit ullulersorneqassapput. Juli qaammat ataatsimiittoqarneq ajorpoq. Ataatsimiiffissat siunnersuusiorfissallu ullulersornissaat akuerineqarnissaat inassutigineqarpoq.

Suliap saqqummiunnera:

Avannaata Kommuniiani Najukkami Ataatsimiititalianut ileqqoreqqusaq malillugu ukiumi ataatsimiinnermi kingullermi ukiumut tulliuuttumut ataatsimiittarnissamut pilersaarut akuerissavaat. Ilanngullugillu ataatsimiinnissat ullulersorneqarneranni siunnersuusiorfissat ilanngullugit ullulersorneqassapput. Qaammat juli ataatsimiiffiusanngilaq.

Iluarsinissamut siunnersuut – sammisanut tunngatillugu nalilersuineq

Najukkami Ataatsimiititaliaq ukioq 2026-imi ullut ataatsimiiffiusussat qaammammut qaammatip qanoq ilinerani aammalu sapaatip akunnerata ingerlanerani qassinngornikkut, taamatullu nalunaaquttap qanoq ilinerani ataatsimiinnissat aaliangersassavaat. Ataatsimiiffissat ullulersorneqareerneranni siunnersuusiorfissat ullui sapaatip akunnera ataaseq sioqqutsillugu inississorneqassapput. Ukiumi juli tamaat ataatsimiiffiuneq ajorpoq.

Aningaasaqarnermi kingunerisinnaasat:

Aningaasartuutaassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniiani Najukkami Ataatsimiititalianut ileqqoreqqusaq ulloq 25. Juni 2025-imeersoq

Suliamik isumaginnineq:

Najukkami Ataatsimiititaliaq ataatsimiiffissanut ullulersuereerpat Sullissivik Upernavimmit allagarsiunneqassapput, innuttaasunut siunnersuuteqarfissamut ullulersukkat taamatullu ataatsimiiffissat ullui nittarsaanneqassallutik.

Inassuteqaat:

Akuerineqarnissaat inassutigineqarpoq, innuttaasut qaqugukkut siunnersuuteqassallutik periarfissaqarnertik takusinnaaniassammassuk, taamatullu Najukkami Ataatsimiititaliami ilaasortat ukiumi 2026-imi ullut ataatsimiiffissaat ullulersorneqareerniassammata.

Ilanngussat:

Bilag 4 – Kalender 2026

Aaliangerneq:

Akuerineqarput. Ataatsimiiffissat qaammammi pingasunngorneq siullesq siunnersuusiorfittut killigitinneqarluni, pingasunngornerulli tulliani ataatsimiittassapput, nalunaaqutaq 13.00-imiik Kommunep Ataatsimiittarfiani ingerlanneqartassaaq.
Ataatsimiiffissat ullui: 14. Januar 2025, 11. Februar 2025, 11. Marts 2025, 15. April 2025, 13. Maj 2025, 10. Juni 2025, julimi ataatsimiissanngillat, 12. August 2025, 9. September 2025, 14. Oktober 2025, 11. November 2025 aamma 9. December 2025.

Ataatsimiinneq naavoq nal.: 13.20

Atsiorfissaq:

Lars Petersen, Siulittaasoq

Pele Kleemann, Siulittaasup tullia

Hartmann Heilmann, ilaasortaq

Julie Karlsen, ilaasortaq

Ane Marie Havmøller-Jørgensen,
ilaasortaq



The image shows five horizontal lines, each with a handwritten signature in blue ink above it. The signatures are: 1. Lars Petersen, 2. Pele Kleemann, 3. Hartmann Heilmann, 4. Julie Karlsen, and 5. Ane Marie Havmøller-Jørgensen.